

Wiidjsendiwin

Ontario enaakwaniged gezhi ngaazchigaadegba aakwaadaapinijigaazwaad Anishinaabe kwek

Gibeying zhaazhi ekwa aa`aankesek maanda aakwaadaapiniziwin. Mii maanda onji enji nshinaadag Anishinaabe kwek dinaadiziwin aa, miinwaa enji nshinaadsewaad neng`gododewizijig, kwiinwiinan gwa ge`ey. Eshkam baatinad gidimaagiziiwin, pkaanendiwin, miinwaa aagwane`endiziwin zaam geyaabi maakonindwaa Anishinaabek. Wii naadimaadiwag dash maanpii biinji dibakaan gimaak miinwaa Anishinaabek wii ngweji ngaazidowaad maanda sa aakwaadaapiniziwin gwonda Anishinaabe kwek waa bi yaajig onji- ji mnaadenmindwaa miinwaa ji waankii`endimawaad ji naadiziwaapa enendaagoziwaad.

1. Aasgaabwitwiindwaa binoojiinhag, eshki niigijig, miinwaa neng`gododewizijig

Minik zhooniyaa waa miinding: nshwaasmidna kchi mdaaswaak nsobiboon piichi gibeying

- Shkayii waazhi aasgaabwitwiindwaa pii kchi niizaanziwaad neng`gododewizijig ada zhichigaade, ge`ey dinaakiiwinan ada naadimaadjigaazoog wii miikmawaad maanda sa aakwaadaapiniziwin ezhi kchi mzhakmewshkaagemigak

2. Waankiiwin miinwaa minoyaawin kwiinwiining

Minik zhooniyaa waa miinding: mdaas shi naaning kchi mdaaswaak shi niizhwaasmidna shi naanan nsobiboon piichi gibeying

- Aabdeg waa naadmaagemigak aasgaabwetaadwin da zhichigaade Anishinaabe kwek miinwaa dinakiiwinan ge penmowaad wii dazhiikmawaad dibaakwonidiwin
- Ezoongsing naakonigewin owa gaabizhaabshkang aakwaadaapiniziwin ezhighkendang ada naabiisjigaade, ge naadimaagemigak wii nsidwaabmjigaadeg, wii ngweji ngaasjigaadeg, miinwaa wii bwaa zhooniyaaakaazod bemaadizid maanpii biinji dibakaan

- Ada giikinigaade Anishinaabe kwek waazhi giigidoowaad pii psikaagwaad aakwaadaapiniziwin, Talk4Healing Indigenous Women's Helpline ezhnikaadeg.
- Naagdawaabiisjiganan temgadoon miinwaa ada zhichigaadenoon Anishinaabe niniwak ge naadmaagwaajin wii minoyaawaad miinwaa wii ngweji ngaazdowaad aakwaadaapiniziwin, Kizhaay Anishinaabe Niin (I am a Kind Man) ada digwojiingaade.

3. Tkwozhiwewin miinwaa dibaakwonigewin

Minik zhooniyaa waa miinding: niizhing kchi mdaaswaak shi nsimdinaa shi niizh nsobiboon piichi gibeying'

- Naakwonigewinan da zhichigaadenoon ge naagdowaajin tkonweniniwak pii ndagkendjigewaad manjiidig enji naadiziwaagwenh bemaadizijig
- Ada aankekinoomowaawag tkonweniniwag miinwaa dibaakonigeniniwag
- Shki kendaaswiin ada aankenmoowaa`oog Anishinaabe tkonweniniwak ge nokaazwaad

[ONTARIO.CA/WALKINGTOGETHER](https://ontario.ca/walkingtogether)

4. Jibwaa zhiwebak miinwaa dash ji gkendaagwag

Minik zhooniyaa waa miinding:kchi mdaaswaak shi mdaaswi shi naanan nsobiboon piichi gibeying

- Aabdeg gwa ada kinoomaajigaazowag Anishinaabe zhiyaawin miinwaa nasaab ji zhi gnawaabimaa`aad wiidji maadiziwaan gwonda maanpii biinji dibakaan dizhi gimaan enkiitwaajig
- Ada nokiichigaade wii maajiishkaamigak waazhi gkendaagwag miinwaa waazhi gweyaksichigaadeg ezhi gnawaabmndaming aakwaadaapinijigaazwaad Anishinaabe kwek miinwaa kwezenhsag zhinda sa mziwe kamig

5. Ge niigaanzid, ge aadimaadijig, ge zhi naagdowaabiisjigaadeg miinwaa ge zhi naagsowaabmnijigaadeg

Minik zhooniyaa waa miinding: naani mdaaswaak ngodwaak nching nsobiboon piichi gibeying

- Ada maawnjiwewak eko naaning maamwi nkwehkwodaadiwaad Anishinaabe kwek 2016 nsobiboonigak
- Ada aasgaabwitaajigaade miinwaa ada naabiisijigaade maanpii biinji dibakaan ge maajiishkaadjigaadeg zhawaaj gwa ji miiksek kchi gimaa gaazhi waawiindamaaged wii ngaazchigaadeg aakwaadaapinijigaazwaad Anishinaabe kwek.

- Ada maawnji`aawag ge giigidood`tingik miinwaa ge niigaanziikidangik, ge naagzowaabmndangik miinwaa ge nakiitoojig maanda naakwonigewin aabdeg ji zhiwebak

6.Kendjigewin miinwaa ndagkendjigewin ada naawsichigaade

Minik zhooniyaa waa miinding: niizhwaasmidna shi naanan shi mdaaching mdaaswaak nsobiboon piichi gibeying

- Ada aasgaabwitaajigaade ji ndagkendjigaadeg aaniish gwa epiichi sweshkaag aakwaadaapinijigaazwaad Anishinaabe kwek miinwaa dash ge nishingba naadimaadiwin wii miigaadjigaadeg
- Naaniigaan dibaamjiganan ada zhichigaadenoona miinwaa waazhi maawndoosjigaadeg ndagkendjigewin wii dibaamdaming endigwenh ji nishin enso bebezhiq newe naakwonigewinan miinwaa aaniish na ezhi maajiishkamigak